



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-1904/11  
Sarajevo, 28.10.2011. godine

01/0-50-1

28-10-2011

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 31.10.2011

Organizaciona jedinica	Klasifikaciona oznaka	Redni broj	Broj priloga
01-50-1-15-8/11			

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 165. sjednici održanoj 26.10.2011. godine, utvrdilo je Odgovor na pitanje koje je postavio Denis Bećirović, zastupnik u Zastupničkom domu Parlamentarne skupštine Bosne i Hercegovine.

U pravitku prosjeđujemo Odgovor radi njegovog dostavljanja zastupniku.

S poštovanjem,



**GENERALNI TAJNIK**

*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 06-50-1-1904/11  
Sarajevo, 26.10.2011. godine

Gospodin Denis Bećirović, poslanik u Predstavničkom domu Parlamentarne skupštine Bosne i Hercegovine, na 8. sjednici Predstavničkog doma, održanoj 25.08.2011. godine, postavio je sljedeće pitanje :

„Okvirni zakon o visokom obrazovanju u Bosni i Hercegovini u članu 60. stav 1. kaže da je obaveza visokoškolskih ustanova da usklade svoje statute sa ovim zakonom u roku od šest mjeseci od stupanja na snagu pomenutog zakona.  
Ko vrši kontrolu usaglašavanja i šta će se poduzeti za one univerzitete ili nivoe vlasti ako nisu izvršili usaglašavanje zakona?“

Na postavljeno poslaničko pitanje Vijeće ministara je na 165. sjednici, održanoj 26.10.2011. godine, utvrdilo sljedeći

**ODGOVOR**

Prema ustavnom uređenju Bosne i Hercegovine, obrazovanje je u isključivoj nadležnosti Republike Srpske, deset kantona i Vlade Brčko distrikta BiH. To, između ostalog, znači da nadležne obrazovne vlasti vrše kontrolu nad visokoškolskim ustanovama na svojem području, pa tako i kontrolu validnosti njihovih statuta.

Ali, da bi visokoškolske ustanove mogle mijenjati svoje statute moraju imati osnov za to u zakonima nadležnih obrazovnih vlasti, koje po odredbi člana 63. stav 1. Okvirnog zakona o visokom obrazovanju u BiH trebaju u roku od šest mjeseci usaglasiti svoje zakone o visokom obrazovanju sa Okvirnim zakonom.

Mada je dati rok za usaglašavanje vlastitih zakona sa Okvirnim istekao 15.02.2008. godine, do danas to nije urađeno u Hercegovačko-neretvanskom i Srednjobosanskom kantonu. Osim toga, od osam javnih univerziteta njih tri nisu integrisana, unatoč roku iz Okvirnog zakona (15. avgust 2008. godine).

Mada je članom 42. Okvirnog zakona Ministarstvu civilnih poslova navedeno kao odgovorno za provođenje Okvirnog zakona, taj isti zakon ne daje instrumentarij i mehanizme Ministarstvu putem kojih bi osigurao provođenje zakona. To rezultira i činjenicom da Vijeće ministara i oba doma Parlamentarne skupštine BiH mogu samo upućivati apele nadležnoj obrazovnoj vlasti, što se dešava svaki put kada neki dom Parlamentarne skupštine BiH ili Vijeće ministara razmatraju informacije o izvršenju zakona iz oblasti obrazovanja.

Svake godine Ministarstvo civilnih poslova priprema informacije za Vijeće ministara BiH o izvršenju svih okvirnih zakona iz oblasti obrazovanja, donesenih na BiH nivou.

Na svojoj 137. sjednici, održanoj 18.11.2010.godine, Vijeće ministara je usvojilo Informaciju o izvršenju Okvirnog zakona o visokom obrazovanju u BiH i donijelo zaključke u kojima se :

- apeluje na ministarstva obrazovanja u kantonima u kojima nisu okončane aktivnosti oko donošenja zakona o visokom obrazovanju, usklađenog sa Okvirnim zakonom o visokom obrazovanju u BiH, da što hitnije pristupe zakonskom uređenju ove oblasti;
- apeluje na nadležna ministarstva obrazovanja entiteta/kantona, koja su donijela zakon o visokom obrazovanju, da okončaju aktivnosti na izradi i donošenju podzakonskih akata, kojima se uređuju pitanja značajna za upravljanje visokoškolskim ustanovama.

Prema Programu rada Vijeća ministara BiH za 2011. godinu, za mjesec novembar je planirano razmatranje informacije o izvršenju Okvirnog zakona o visokom obrazovanju u BiH.



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-1687/11  
Sarajevo, 28.10.2011. godine

01/50-1

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 27.10.2011			
Organizaciona jedinica	Klasifikaciona oznaka	Redni broj	Broj priloga
01-50-1-	15-8/11		

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 165. sjednici održanoj 26.10.2011. godine, utvrdilo je Odgovor na pitanje koje je postavio Denis Bećirović, zastupnik u Zastupničkom domu Parlamentarne skupštine Bosne i Hercegovine.

U privitku prosjeđujemo Odgovor radi njegovog dostavljanja zastupniku.

S poštovanjem,



**GENERALNI TAJNIK**

*Zvonimir Kutleša*





**BOSNA I HERCEGOVINA**  
**VIJEĆE MINISTARA**

Broj: 06-50-1-1687/11  
Sarajevo, 26.10.2011. godine

Denis Bećirević, poslanik u Predstavničkom domu Parlamentarne skupštine Bosne i Hercegovine, na 8. sjednici Predstavničkog doma Parlamentarne skupštine Bosne i Hercegovine održanoj 25. avgusta 2011. godine uputio je Savjetu ministara BiH i Ministarstvu civilnih poslova BiH sljedeće poslaničko pitanje:

« Umjetnička galerija BiH je jedna od najstarijih bosanskohercegovačkih institucija koja se bavi likovnom umjetnošću, osnovana je 1946.godine. Umjetnička galerija BiH se saopštenjem obratila bosanskohercegovačkoj javnosti u kojem se navodi-Situacija u kojoj se Umjetnička galerija BiH nalazi proteklih 15 godina i koja je kulminirala zadnjih mjeseci, primorala nas je da donesemo odluku da od 01. septembra 2011. godine zatvorimo za javnost.

Dakle u vezi s tim postavljam sljedeće pitanje: zašto Vijeće ministara BiH ignoriše uništavanje ovakvih institucija koje su od državnog značaja za zaštitu i promociju kulture i likovne umjetnosti. Pitanje postavjam Vijeću ministara BiH i Ministarstvu civilnih poslova i odgovor tražim u pisanom obliku“.

Na postavljeno poslaničko pitanje Savjet ministara Bosne i Hercegovine je na 165. sjednici održanoj 26. 10. 2011. godine, utvrdio sljedeći odgovor

**ODGOVOR**

Ustavom BiH oblast kulture u Bosni i Hercegovini u nadležnosti je entiteta, a u entitetu Federacija BiH u nadležnosti kantona.

Zakonom o ministarstvima i drugim organima uprave BiH definisano je da je Ministarstvo civilnih poslova BiH, kada je riječ o oblasti kulture, nadležno za «utvrđivanje osnovnih principa koordinacije aktivnosti, usklađivanje planova entitetskih organa vlasti i definisanje strategije na međunarodnom planu».

U skladu s navedenim za donošenje zakonskih rješenja u ovoj oblasti potrebna prethodna saglasnost entiteta i kantona.

Ministarstvo civilnih poslova, u cilju sagledavanja situacije kada su u pitanju institucije kulture, u više navrata tražilo je informaciju od Umjetničke galerije BiH o statusu institucije i iz zadnjih akata koje smo dobili izdvajamo da je **Umjetnička galerija BiH** osnovana Uredbom Vlade Narodne Republike BiH od 11.oktobra 1946. godine, broj Uredbe 9538/46. Umjetnička galerija danas obavlja djelatnost u skladu s Zakonom o muzejskoj djelatnosti iz 1993. i 1994. godine (Sl.List Republike BiH br.13/93 i 13/94). Upravni odbor imenovan je na osnovu čl.25. stav 3. Zakona o ustanovama Republike BiH (Sl.list Republike BiH 6/92,8/92 i 13/94) i u vezi sa članom IX 5(I) Ustava Federacije BiH, Rješenje o imenovanju potpisao je 10.11.2000. ministar obrazovanja, nauke, kulture i sporta Federacije BiH. **Proceduru izbora direktora proveo je**

**Upravni odbor i imenovao direktora 23.01.2001. godine i na to imenovanje dobio saglasnot ministra kulture i sporta Federacije BiH.**

Takođe, zatražili smo informacije i od drugih šest institucija koje trenutno nemaju obezbjeđen stalni izvor finansiranja i dobili sljedeće podatke:

**Zemaljski muzej BiH** osnovan je 1888. godine. Zakonom o Zemaljskom muzeju (Sl.SRBiH br. 20/77) nastavlja rad kao Muzej od posebnog društvenog interesa. Danas obavlja djelatnost na osnovu Uredbe sa zakonskom snagom o muzejskoj djelatnosti (Sl.list RBiH br.13/93), a koja je Ukazom Predsjedništva RBiH 1994. prerasla u Zakon (Sl.list RBiH br.13/94). Sadašnji Upravni odbor imenovan je na osnovu čl.25. stav 3. Zakona o ustanovama (Sl.list Republike BiH 6/92,8/92 i 13/94) i u vezi sa članom IX 5(I) Ustava Federacije BiH, a **Rješenje o imenovanju je potpisao 10.11.2000. g. ministar obrazovanja, nauke, kulture i sporta FBiH.** Upravni odbor je na osnovu člana 42. Pravila Zemaljskog muzeja imenovao direktora na period od 4 godine.

**Istorijski muzej BiH** osnovan je Zakonom o osnivanju Muzeja narodnog oslobođenja (Sl.list Federalne BiH br.26/45). Rješenjem Višeg suda u Sarajevu od 13.10.1994. godine preimenovan je i upisan kao JU Historijski muzej BiH. Na osnovu Uredbe sa zakonskom snagom o muzejskoj djelatnosti (Sl.list RBiH br.13/93), a koja je Ukazom Predsjedništva RBiH 1994. prerasla u Zakon (Sl.list RBiH br.13/94), danas obavlja djelatnost. Upravni odbor imenovan na osnovu čl.25. stav 3. Zakona o ustanovama (Sl.list RBiH 6/92,8/92 i 13/94) i u vezi sa članom IX 5(I) Ustava Federacije BiH, Rješenje o imenovanju potpisao je 10.11.2000. ministar obrazovanja, nauke, kulture i sporta FBiH. **Direktora Muzeja imenovao je, na osnovu Zakona o ustanovama i na osnovu člana 19. Pravila Muzeja, Upravni odbor Muzeja 02.10.2002. godine na mandat od 4 godine.**

**Nacionalna i univerzitetska biblioteka BiH** osnovana je Uredbom o Narodnoj biblioteci Federalne BiH (Sl.list FBiH br. 22/45). Danas obavlja djelatnost na osnovu Zakona o bibliotekačkoj djelatnosti (Sl.list RBiH br. 27/95). Upravni odbor imenovan je na osnovu čl.25. stav 3. Zakona o ustanovama (Sl.list RBiH 6/92,8/92 i 13/94) i u vezi sa članom IX 5(I) Ustava Federacije BiH, Rješenje o imenovanju potpisao je 10.11.2000. ministar obrazovanja, nauke, kulture i sporta FBiH. **Direktora je imenovao Upravni odbor na osnovu člana 19. Pravila Nacionalne i univerzitetske biblioteke dana 30.09.2005. godine na mandat od 4 godine.**

**Muzej književnosti i pozorišne umjetnosti BiH** osnovan je Zakonom o muzejima (Sl.list br.53/60), nastavlja s radom na osnovu Zakona o Muzeju književnosti BiH (Sl.list br.38/67), a kasnije na osnovu Zakona o Muzeju književnosti i pozorišne umjetnosti (Sl.list SRBiH 20/77). Danas djelatnost obavlja na osnovu Uredbe sa zakonskom snagom o muzejskoj djelatnosti (Sl.list RBiH br.13/93). Upravni odbor imenovan je na osnovu čl.25. stav 3. Zakona o ustanovama (Sl.list RBiH 6/92,8/92 i 13/94) i u vezi sa članom IX 5(I) Ustava Federacije BiH, Rješenje o imenovanju potpisao je 10.11.2000.godine ministar obrazovanja, nauke, kulture i sporta FBiH. **Upravni odbor je na osnovu čl.25. Pravila Muzeja imenovao direktora do rješavanja statusa Muzeja, rješenje o promjeni lica ovlaštenog za zastupanje donio Kantonalni sud 19.05.2004.godine.**

**Biblioteka za slijepa i slabovidna lica BiH** osnovana je Zakonom o biblioteci za slijepa i slabovidna lica u Republici BiH (Sl.list RBiH br.9/95). Danas djelatnost obavlja na osnovu Zakona o biblioteci za slijepa i slabovidna lica u Republici BiH (Sl.list RBiH br.9/95). Upravni odbor imenovan na osnovu čl.25. stav 3. Zakona o ustanovama (Sl.list RBiH 6/92,8/92 i 13/94) i

u vezi sa članom IX 5(I) Ustava Federacije BiH, Rješenje o imenovanju potpisao je 10.11.2000. ministar obrazovanja, nauke, kulture i sporta FBiH. **Upravni odbor je na osnovu konkursa izabrao direktora 01.04.2004. godine.**

**Kinoteka BiH** danas djelatnost obavlja na osnovu Zakona o Kinoteci BiH iz 1994. godine i objavljen je u «Službenom listu RBiH» broj 13/94. Na Kinoteku BiH se primjenjuje Zakon o filmskoj djelatnosti (Službeni list SR BiH 20/90), Zakon o kinematografiji Kantona Sarajevo (Službene novine Kantona Sarajevo 7/01).

U Republici Srpskoj djeluje Nacionalna i univerzitetska biblioteka Republike Srpske, Muzej Republike Srpske, Muzej savremene umjetnosti Republike Srpske, Kinoteka Republike Srpske, Biblioteka za slijepa i slabovidna lica Republike Srpske, Arhiv Republike Srpske, Narodno pozorište Republike Srpske, Dječije pozorište Republike Srpske. Republika Srpska donijela je zakone koji regulišu rad ustanova kulture i uređuju oblast kulture u skladu s ustavnim nadležnostima u oblasti kulture. Federacija BiH je nastavila da primjenjuje u najvećoj mjeri ranije donesene zakone.

Ministarstvo civilnih poslova u proteklom periodu iniciralo je više sastanaka sa direktorima institucija kulture i resornim entitetskim ministarstvima, te predlagalo i određena zakonska rješenja za koja nije bilo potrebne saglasnosti svih nadležnih entitetskih i kantonalnih ministarstava da bi predlagana zakonska rješenja mogla biti upućena u proceduru usvajanja.

Ministarstvo civilnih poslova BiH upoznao je Umjetničku galeriju da nema mandat za rješavanje statusa te institucije, imajući u vidu da je prema Ustavu oblast kulture u nadležnosti entiteta, odnosno u Federaciji BiH u nadležnosti kantona, te izrazilo nadu da neće doći do zatvaranja izložbenih prostora Umjetničke galerije za javnost i da će nadležna ministarstva za kulturu Kantona Sarajevo i Federacije BiH pomoći Umjetničkoj galeriji u rješavanju teškoća u radu institucije.

Kako bi se pomogao rad institucija kulture u BiH Savjet ministara BiH i Ministarstvo civilnih poslova, u skladu s odredbama Zakona o Budžetu institucija BiH i međunarodnih obaveza BiH, godišnje objavljuje konkurse i dodjeljuje grant sredstva kao pomoć u sufinansiranju programa i projekata institucija kulture u BiH. Prvi put se grantovi iz Budžeta BiH dodjeljuju institucijama kulture 2005. godine, a do tada sedam institucija kulture iz Sarajeva finansirane su isključivo iz budžeta Kantona Sarajevo i budžeta Federacije BiH. Od 2007. godine grant sredstva se dodjeljuju putem javnog konkursa. Pravo da apliciraju za sredstva iz granta imaju sve institucije kulture u BiH koje ispunjavaju uslove konkursa. Odluke o dodjeli grant sredstava iz Budžeta institucija BiH donosi Savjet ministara BiH i iste su objavljene na web stranici Ministarstva civilnih poslova i u "Službenom glansiku BiH". Može se vidjeti da je Umjetnička galerije podržavna redovno, a sredstva dodjeljena u 2010. godini iznosila su 150.000,00KM.

Zakon o Budžetu institucija BiH i međunarodnih obaveza BiH za 2011. godinu nije usvojen i Savjet ministara BiH niti Ministarstvo civilnih poslova u ovom trenutku nisu u mogućnosti pomoći u sufinansiranju programa institucija kulture u BiH jer nemaju na raspolaganju finansijska sredstva iz kojih bi to mogli učiniti.

Nakon što Budžet institucija BiH za 2011. godinu bude usvojen, u skladu s istim, Ministarstvo civilnih poslova i Savjet ministara BiH će preduzeti potrebne aktivnosti na objavi konkursa za dodjelu grant sredstava za 2011. godinu.